



STINAPA TA INFORMA

E GENERASHON NOBO

Su konkursonan di modelahe i shownan ya kaba ta legendario. I e hobennan ku ta baila yen stail, hasta ora di konsiertonan di afó? Si, ta e mes ta train "The New Generation Dancers". Ya su konosido AD Productions ta eksisti 8 aña kaba. Ademas di e pashon aki e ta laborando ya pa 5 aña na Ministerraad. Si, e AD ta para naturalmente pa Angelo Domacassé. Pa Angelo, naturalesa boneriano ta algu dushi i limpi. Segun e, te ainda Boneiru ta limpi, hasta ora bo kompar'é ku otro islanan den besindario. E ta sigui splika ku e ta ripará ku e boneriano ta konsiente di esaki si. Varios di su inspirashonnan pa su baile y shownan e ta haña ora e ta kontemplando den naturalesa. Dun'é tur lugá na Boneiru ku ta kant'i laman i e ta deklar'é su lugá faborito. Pero banda di esei e tin un lugá speshal den naturalesa: un lugá spesifiko, ku e no ta divulgá, den Washington Park. Na e lugá aki ta bini yen para. E trankilidadat ku e ta eksperenshá, kombiná ku e bientu ku ta supla ta kita tur su kansansio. Angelo ta realisá e 'link' ku tin entre naturalesa i su entrada. Ya ku Boneiru su ekonomia ta drai riba turismo. I turistanan ta trese entrada pa gobierno ku ta bai pa paga entre otro su salario. Mashá e ta kunsumí ora e nota ku un hende a tira sushi foi nan outu. "Ta kuantu ta kosta bo warda e sushi den outo te ora bo yega kas?", e ta puntra su mes. E kier pa mas i mas hende keda promové pa mantené nos isla limpi. Ta bon pa nos mes i ta un bon promoshon pa nos den eksterior. Mas aleu Angelo ta opiná ku mas i mas hendenan kier kambia pa kosnan mas modernu, di luho, sin pensa riba naturalesa pero si riba nan mes so. E no ta kompletamente kontra, pero si mester mantené nos norma i balornan. Ya ku e ta kere ku nos a pèrdè sierto norma i balornan. Entre otro respet pa nos grandinan, Estilo di bisti. Tambe nos a pèrdè sierto partinan di nos naturalesa, manera awor aki tin menos Divi Divi kompará ku antes. Mata i yerba nan ku ta kura hende y ku nan tabata komo remedi. Tambe tabata kria den kurá di kas hopi berdura i frutanan. Mi ta kere ku nos tin ku konservá nos naturalesa, speshalmente pa e generashon nobo ku ta na kaminda. *Skirbí pa Natalie Wanga, tradusí pa Marcel Nahr.*

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURALESA



Traha huntu na un desaroyo duradero pa Boneiru